

369 Diu junge, süeze, klâre
sprach ân alle vâre:
»got sich des wol versinnen kan,
hêrre, ir sît der êrste man,
5 der ie mîn redegeselle wart.
ist mîn zuht dâr an bewart
unt ouch mîn schamelîcher sin,
daz gît an vreuden mir gewin,
wande mir mîn meisterinne verjach,
10 diu rede wäre des sinnes dach.
hêrre, ich bitte iwer unt mîn,
daz lêrt mich endehaft pîn;
den nenne ich iu, geruochet irs.
habt ir mich ihtes deste wirs,
15 ich var doch ûf der mâze pfat,
wande ich dâ ziu mîn selber bat.
ir sît mit der wârheit ich,
swie die namen teilen sich;
mînes lîbes namen sult ir hân,
20 nû sît magt unde man.
ich hân iwer unt mîn gegert.
lât ir mich, hêrre, ungewert
nû schamelîche von iu gên,
dâr umbe muoz ze rehte stêr
25 iwer prîs vor iwer selbes zuht,
sît mîn mageetuomlîchiu vluht
iwer gnâde suochet.
ob ir des, hêrre, ruochet,
ich wil iu geben minne
30 mit herzelîchem sinne.

des om. *T (nur T) O

↓*G

endehaften *T (nur T) (O)

m. iht (nih I) d. *G *T

wandich dâ zuo mîn selbes (wand ich ev min selbes I selber L) bat. *T (nur T) (I L)

nû ([*]: Nv V) om. *T

semeliche *T (nur T)

i. brîs vür i. s. (selber I) z., *G · iuwer pr. vür mîn ([*]: úwer V) s. z., *T
sît mîn m. vruht ([*]: flvht V) *T (O Fr21)
genâde an iuch s. *G · gn. an iu s. ([*]: Vwer genade sôchet V). *T
h., geruochet, *T

*D: D *m: m *G: G I O L Z Fr21 Fr24 (369.6–30) *T: T (ohne 369.7) V

1 Initiale D I O L Z Fr21 T V 2 Initiale m 21 nicht ausgeführte Illustration O

9 wan mir mîn meisterinne jach (Wan min maeisterinne ver iach O Wan mýn meister mir veriach L), *G (nur GI) 14 habt irz ihtes deste wirs, *m 16 ziu mîn] zuo mîn *m 20 sît]
sît ir ([*]: sint ir V) *m (V)